



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Statu Hominis Morali In Vita Et Post Mortem

Opfermann, Paul

Moguntiae, 1769

Homines à dæmone veré obsessos fuisse, testatur S. Scriptura.

urn:nbn:de:hbz:466:1-40701

do, majus sibi meritum comparet, Deique gloriam promoveat; tum ut dæmones ipsi victi superatique amplius confundantur, qui Deo similes esse adfectarunt; non rarò etiam in pœnam humanæ superbæ alteriusve peccati ab homine admissi. Ad infestationes dæmonum externas quod attinet: eas vehementiores fuisse ante, quàm post Christi adventum, & etiamnum frequentiores esse inter Infideles, quàm in Cœtu Fidelium, extra dubium est.

Dæmon *possidere* hominem dicitur, quando corpus inhabitat, in eodem varias operationes exercendo, non quidem vitales, quia ipse forma corporis nec est, nec esse potest, cui merè afficit, quin organis corporeis tamquam propriis utatur; neque à Deo destinatus est, ut cum corpore totum aliquod physicum constituat. *Obsessio* autem propriè dicitur, ubi dæmon extra corpus existens, illud vexat, & affligit. Utraque, tam possessio, quàm obsessio sæpe interrupta est, ita, ut spiritus malignus nunc egrediatur, & à diris vexandi modis quiescat; nunc iterum ad corpus redeat, ac pristinam suam tyrannidem exerceat. *Hominem à Dæmone verè possideri posse, disertè innuit S. Scriptura: nam Luc. 8. v. 29. Christus præcipiebat spiritui immundo, ut exiret ab homine. Multis enim temporibus arripiebat illum, & vinciebatur catenis, & compedibus custoditus, & ruptis vinculis agebatur à dæmonio in deserta. Tum v. 30. Interrogavit illum JESUS, dicens: quod tibi nomen est? at ille dixit: Legio: quia intraverant dæmonia multa in eum. Iterum Matth. 17. Accessit ad eum (Christum) homo genibus provolutus ante eum, dicens: Domine, miserere filio meo, quia*

24.
Ob-
sessio
dæ-
mo-
num.

quia lunaticus est, & male patitur: nam saepe cecidit in ignem, & crebro in aquam . . . Et increpavit illum Jesus, & exiit ab eo demonium, & curatus est puer ex illa hora. Hanc ipsam daemones ejiciendi potestatem Christus dedit Apostolis Luc. 9. Convocatis autem Jesus duodecim Apostolis, dedit illis virtutem & potestatem super omnia demonia, qui etiam hac suâ potestate usi sunt, quia multa demonia ejiciebant. Marc. 6. Eandem malos daemones abigendi ejiciendique facultatem ab Apostolis sibi traditam tota semper Ecclesia credidit. Nequid dicam de plurimis & prorsus stupendis effectibus, quos nulla non aetas vidit, qui & possessionem daemorum, & sacrorum exorcismorum vim atque virtutem satis demonstrant. Hos autem negare omnes, superba temeritatis est; credere omnes, nimia credulitatis.

25. Exorcismus. Remedium, quo Energumeni liberari potissimum queant, sunt exorcismi: quorum alii *communes* sunt, quibus sc. daem. ad aliquid agendum, vel ab aliquo cessandum compellitur, velut si daem. Energumenum à loquela impediatur, aut per os Energumeni blasphematur. Alii sunt *probativi*, quibus Exorcista utitur ad experiendum, an homo verè possessus sit. Imprudens tamen erit Exorcista, qui absque præviis & sufficientibus signis ad hujusmodi exorcismos continuo descendit. Signa autem, ex quibus possessio, vel obsessio vera à ficta & imaginaria discerni possit, sunt hæc & similia: si homo peregrino, quod nunquam didicit, idioma loquatur, aut Exorcistæ linguâ latinâ utenti aptè & ad plura respondeat; si ad præceptum lenitivum dolor omnis subito evanescat, & ad præceptum proba-